

pia sunt liberalitate concessa, ut in autentico privilegio suo plenius continetur, iam dicto Guillelmo et eius successoribus et monasterio sepe fato imperpetuum de nostra gratia confirmamus. De abundantiori quoque culminis nostri gratia, qua loca religiosa benigne semper consuevimus intueri, sancimus, ut, si quando dictus abbas et sui fratres eorumque successores agant vel conveniantur, non cogantur prestare sacramentum calumnie, nisi per syndicum vel actorem, et quod in rebus ecclesie requirendis et ordine iudiciario¹ recuperandis nulla, nisi centum² annorum, prescriptio opponatur, et quod fructus possessionum suarum, quas habent in districtibus civitatum castrorum libere ac sine contradictione rectorum et comunitatum³ locorum de dictis districtibus possint extrahere et ad predictum monasterium ad usum et utilitatem ipsius integre deportare. Statuentes et presentis privilegii auctoritate firmiter iniungentes, ut nulla⁴ omnino persona parva vel humilis, ecclesiastica vel secularis iam dictos abbates et successores eius ac monasterium supra dictum de supra dictis omnibus inquietare seu molestare presumat. Quod qui presumpserit, in suę temeritatis vindictam centum libras auri puri componet, quarum medietas camerę nostrę, altera vero passis iniuriam persolvetur. Ut autem hæc nostra confirmatio et concessio rata semper et inconvulsa permaneat presens privilegium fieri et sigillo maiestatis nostrę iussimus communiri. Huius autem rei testes sunt: Albertus Magdeburgensis et Lando Reginus archiepiscopi⁵, Iacobus Taurinensis, . . Currensis et abbas sancti Galli, . . Cicensis, M. Imolensis episcopi⁶, . . langravius⁷ Turingię, dux Sassonię⁸ et dux Spoleti, comes de Queurenberc⁹, comes S. de Viena et alii quamplures.

Signum domni Friderici secundi dei gratia invictissimi Romanorum imperatoris semper augusti Yerusalem et Sicilię regis.

Acta sunt hæc anno dominicę incarnationis millesimo ducentesimo vigesimo sexto, mense aprilis, quarta decima indictione, imperante¹⁰ domino nostro Friderico secundo dei gratia¹⁰ invictissimo¹¹ Romanorum imperatore semper augusto Yerusalem et Sicilię rege, anno Romani imperii eius sexto,

1) Darüber von anderer Hand 'ordinato iudicio'. 2) Darüber von anderer Hand 'ducentum'. 3) 'comunitate' Hs. 4) 'nullo' Hs. 5) 'archiepiscopus' Hs. 6) 'episcopus' Hs. 7) 'langraue' Hs. 8) 'Sansonie' Hs. 9) 'Quenrentor' Hs. 10) 'imperante — gratia' steht in der Hs. hinter der Signumzeile. 11) 'vigesimo' Hs.